

Jondi pepa lekingon youkuk Yodakale Mede

Pepa yon adi kayonbop nin'walaŋ talitimen ninđi youkuk. Meenin feedi indin nadiin, pepa yon adi kayonbop ninđok youyemguk. Tina nehi ungon hekinolit biyagon hinek tina hatinila yalaŋ-me heki Bepaŋ'walaŋ mede yotubugiyonda tiin heki fiyen doktina kikauidoko tiyaneendok yeninguk.

Yodakale en welemoon mede

¹ Nu kayonbop dinin me talitimen timeniŋđi tam* Bepaŋđi netok gigit gabukahileguk tina wapmihigeye hiditok pepa i youhamulat. Nu mede biyagon welene gineŋ hatak wondoktina welenedi habukahile hinek tilat. Tina nu kubugonđi hogok mu tilat, mokoŋ. Adi metam mede biyagon nadiŋa nadidahi tiin heki adi maan wele-hikdi habukahile hinek tiin. ² Mede biyagonđi indi'walaŋ welenik gineŋ hatak, wondi hali-woon halaak, wendoktina hekinolit foloon hinek hatiyam. ³ Indi mede biyagonnit en me hekinolit hatihati foloon hinek hatinene Baŋ Bepaŋ tina Jesu Kilisto Me Baŋ'walaŋ Mihiniŋ adi'walaŋ silon tobogon, welekulema en kulemaniŋ wendi indi'walaŋkade haliwoon halaak.

* **1:1:** Nadinadi me nolidi tam wondok adi indin nadiin, kayonbop adi'walaŋ yolineŋ bopneyagin. Kaŋ nadinadime nolidi indin nadiin. Jon adi kayonbopdok nadiŋa "tam" youkuk.

Me Hekinolit momoon tiņa hatidok mede

⁴ Wapmihigeye noli adi Me Banđi yodoko medeņiņ niniņguk u tagimneen mede biyagon u kedem beņa hatiņ, mebihik unduņ nadiņa nadifo hinek tilat. ⁵ Ale tam loloņnit, du yodoko mede niņ ganimbe nadiweņ. Mede u kobuli moņ. Koomkwaha tububihit gineņ tububihila naditalabam uņakoņ indin ganimbit. Metam nadisukilitihinit indi hekinolit momoon tiņa hatiyaneeem. ⁶ Bepaņ'walaņ yodoko mede tagimneen kelekele wondi me hekinolit hatihati uņakoņ tilak. Ale Bepaņ'walaņ yodoko mede koom tububihila nadiginđi naditalabiņ u indin uņakoņ. Hidi hatihatihik gineņ me hekinolit momoon tiņa hatiyaneeņ.

Mede yotubugiyonda me hekidok mede

⁷ I nadineņ, tikamanda me feedi mintaan kwetkwet hatidapmaiņ. Adi Jesu Kilisto kwetfoloņ signi gitnemnit mintaguk u nadiune foloņ mu tilak. Me undiniņ uņakoņ yalaņ-me eņ Kilisto'walaņ memikniņ unduņ niniņdok.

⁸ Hidi'walaņkade kwanai tinene foloņ mintaguk u tiyaugene fihambaakneņ doktiņa momoongoņ hinek kadokoņ hatiyaneeņ. Ala hatigene kougoņ tuwaņiņ wendok tuwolit hinek beneeņ. ⁹ Nebek niņ Kilisto'walaņ medeņiņ mu tihifafaņeeņ mede noli foloņ wooņ galiwaak, adi yadi Bepaņ tuwot mu kahilewaak. Eņ me nediyen Kilisto'walaņ medeņiņ tihifafaņewaak adi yadi Baņ gut Mihi wanakaņ yabukahilewaak. ¹⁰ Eņ me niņdi mede gitipmuņgoņ niņ tiņa hidi'walaņkade buune kaņ niutumba tiņa nagila yohineņ adi

mu kameyaneen. ¹¹ Nebek niŋdi me undiniŋ niutumba tibaak, adi yadi me wendi'walaŋ kwanaiŋiŋ hogoli u tubulodawaak.

Yodapman mede

¹² Mede mohok noli maan hakiŋ, iŋgoŋ pepa foloŋ youhamdok mu nadilat. Nu adi tobo buŋa habuŋa manikdi kiyonadi titiŋdok nadilat. Unduŋ tiŋa nadifo kedem tineem. ¹³ Dalage Bepaŋdi agaŋ kahileguk adi'walaŋ wapmihiniyedi youtumba mede kamegamiŋ.

**Bepan'Walaŋ Folofolok Kobuli
Genesis, Exodus, Psalms, and the New Testament in
the Numanggang Language of Papua New Guinea
Sampela hap Buk Baibel long tokples Numanggang**

copyright © 2005 Wycliffe Bible Translators, Inc.

Language: Numanŋaŋ (Numanggang)

Translation by: Wycliffe Bible Translators

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2016-08-30

PDF generated using Haiola and XeLaTeX on 21 Feb 2024 from source files dated 31 Aug 2023

217908e9-ce08-5ac3-9947-124c48579a74